



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola LXXV. Ioannis Papae VIII. Ad Michaelem Regem Bvlgarorvm. Missa
per Eugenium & Paulum episcopos mense Aprili, die XVI. inductione XI.
Dolet quod Graecos sequatur. hortatur ad Romanae ...

urn:nbn:de:hbz:466:1-15967

quod verum nullo modo constat , cum & ipsi abbates ,
quos illuc pro nostra parte direximus , iureiurando non se
dixisse fateantur. De his vero aliisque similibus , quantum
in nobis est , per gloriam tuæ nobilitatis , correptionem
omnemque speramus studii emendationem : quod quæso
facere mature acceleres. Optamus. Data ut supra.

EPISTOLA LXXV.

IOANNIS PAPÆ VIII.

AD MICHAELM REGEM BVLGARORVM.

*Missa per Eugenium & Paulum episcopos mensē Aprilī , die xvi.
indictione xi.*

Dolent quod Græcos sequatur. hortatur ad Romanæ eccle-
siæ gremium redeundum. tum de dono missō gratias
agit. postremo Sergium quemdam per subreptionem
ad sacerdotium & episcopatum promotum, depositum
fuisse significat.

Michaeli regi Bulgarum.

SPIRITUALIBVS te visceribus edito gaudebamus , &
pro saluatione tua gratias agebamus : sed nunc astutia
malignorum decepto , tristamur & ingemiscimus, veren-
tes & pertimescentes, ne si forte Græcos secuti fueritis,
cum illi in diuersas hæreses & schismata solito more ceci-
derint, vos quoque cum ipsis in erroris profunda ruatis: &
sicut serpens seduxit Euam astutia sua , ita sensus vestri cor- Genes. 3,
rumpantur , & excidant a simplicitate & castitate quæ est
in Christo Iesu. Nam te fili , Mosaicis rogo verbis , Deut. 32a *interroga patrem tuum , & annuntiabit tibi : seniores tuos , & dicent tibi ,*
si aliquando Græci sine hac , vel illa hæresi fuerint : & cum
non inuenieritis eos ab aliqua hæresi aliquando liberos ex-
titisse , oportet vos eorum fraudes & consortia fugere , ne
cum illi errauerint vos erretis, & cum illi ad blasphemiam
versi fuerint , & vos etiam fidei rectæ blasphematores in-
ueniamini: nec erit qui vos postmodum corrigat vel ab er-
rore reducat : & hoc est , mihi credite , fili carissime , quod
dolemus , hoc est unde nocte & die pro vobis solicii su-
mus ; non gloriam ex vobis , vel honorem aut censum pro-
cul dubio expectantes , cum vos potius & non vestra quæ-

ramus: nam non patriæ regimen & reipublicæ moderamen adipisci cupimus; sed diœcœeos eiusdem regionis curam & dispositionem more prisco resumere volumus, vt solitudinem, quam vniuersis debemus ecclesiis, tanto pro eadem diœcesi solertiœ exerceamus, quanto ad ordinationem specialius vestram hanc antiquitus pertinuisse non ignoramus, tantoque pro vestræ salutis custodia instantius vigilare valeamus, quanto vt confirmet hoc Deus quod operatus est in nobis enixius nobis optandum est, & distictius a nobis diuinitus exigendum, clarissimus, si circa instructionem & munitionem vestram desides, quod absit, fuerimus inuenti. Reuertimini ergo ad beatum Petrum apostolorum primum, quem amatis, quem elegistis, quem quæsistis, cuiusque in necessitatibus patrocinium percepistis, & fluente doctrinæ salubriter & conuenienter hausistis: cuiusque vos protectioni cum subiectis omnibus commendatis & tradidistis. Bene quidem currebatis, cum Apostolo clamamus, *quis vos fascinavit veritati non obediens?* sed & ipse perse Dominus dicit: *Nemo mittens manum suam in aratum & conuersus retrosum, aptus est in regno cœlorum:* non autem dicimus quod non vna sit fides, vnum baptisma, vnuus Deus noster pariter & illorum: sed quia in eis saepe præsule Constantinopolitano vel imperatore, aut plerumque utroque auctore facto heresios, plures qui sub ipsis sunt adulacione aut certe timore illis efficiuntur consimiles: & vñ tunc eis est, qui societatem sequuntur eorum. Dic itaque rogo carissime fili, quid faceres tu, vel populus tuus, si tempore Pneumatomachi Macedonii Constantinopolitani antistitis, quando & impius illic imperabat Constantius, essetis eorum societate fruentes; nonne dogma eius contra Spiritum sanctum blasphemans cum illis sequeremini? *quod peccatum, attestante Domino, non remittitur neque hic, neque in futuro.* Nonne si horum pollutam societatem haberetis, & prauam doctrinam nihil minus haberetis? ac per hoc & vos cum illis quasi fasciculi colligati ad comburendum æterno igni reseruaremini in die iudicii cruciandi? Credimus autem, quod iam vos non lateat, nunquam apostolicam beati Petri sedem ab aliis sedibus reprehensam, cum ipsa alias omnes, & præcipue Constantinopolitanam sepiissime reprehendens, aut

ab

Romana
ecclesia
nunquam
in errorem
incidit, alias
autem ab
errore libe-
ravit.

ab errore liberauerit, aut certe in his qui resipiscere noluerunt, sententia sua iudicio condemnauerit. Noli ergo sequi Græcos, filii carissime, quia argumentis semper fallacibus student, semper dolosis intendunt versutiis, ne forte vobis quod genti contigit Gothorum contin-
gat: quæ cum a Paganorum errore cuperet liberari, Chri-
stique fidei sociari, in episcopum incidit formam pietatis
habentem, virtutem autem eius abnegantem: qui eos
dum a paganismo liberat, Arii blasphemias implicat: sic-
Socrates
lib. v. c. 27.
Theodoret.
lib. v. c. 32.
Sozomenus
lib. vii. c.
37.
que illi dum incaute querunt errorem fugere, in errorem
incident; & cæcum ducem sequentes, cum illo cæci facti
in Arianæ prauitatis præcipitia delabuntur: & hoc est vn-
de Græcorum cauenda esse prædicamus consortia: *Cor-* 1. Cor. 15.
rumpunt enim, vt Paulus Apostolus ait, mores bonos colloquia mala. Qui etsi aliquando loquuntur aliquid boni, noli mirari, quia & dæmones confitebantur Filium Dei: sed ipse Matt. 18.
illos potius tacere præcipiebat; ne qui eos audiret vera
prædicantes, sequeretur errantes. Conuertimini igitur ad
beatum Petrum apostolorum principem, qui primus cog-
nouit, & confessus est Filium Dei: qui oues dominicas
regendas accepit, & vt has ad æternæ pascha virtæ introdu-
cere posset, & hic ligandi soluendique potestatem, & illic
referandi eis claves cælestis regni promeruit. Igitur scito-
te, carissime, si ex hoc ad Græcos, quod auertat Dominus,
conuersio vestra fuerit, partem vestram diuinitus cum
his ponendam, qui primam fidem irritam faciunt, & cum 1. Tim. 5.
his quorum libenter amplectimini portionem. Porro si
nos audieritis, & ad sancti Petri gremium redieritis, vt
filios vos amantissimos expansis finibus recipiemus, &
exertis brachiis amplectemur, & in visceribus Christi di-
lectionis semper habebimus; & si qua sunt sancta, si qua
salubria, si qua congrua, vobis & pro vobis offerre at-
que impendere non cessabimus. Xenium nobis ex vobis
transmissum, quodam religiosi habitus Vrso deferente, sus-
cepimus; de quo benignitati vestrae gratias agentes, Deum
laudauimus, qui te nobis deuote munus offerre docuit;
temetipsum cito totum, vt confidimus, & perfectum da-
turus. Ceterum gloria vestra sciatur Sergium eunuchum,
qui cum genere Sclaus esset, & multis prauitatibus irreti-
tus, sacerdotium per surreptionem obtinuit; & post etiam
Concil. Tom. 24.

N

super aliis dete^ctus & conuictus excessibus, ab episcopo
tunc suo depositus fuisse dinoscitur, & post indigne satis a
Georgio, qui falso sibi episcopi nomen usurpat, ad episco-
patum Belogradensem prouectus est, apostolorum prin-
cipum, & sanctorum Canonum auctoritate, etiam nostri
esse sententia decreti depositum: quod tam vobis quam
Nicæn. c. 5. vestræ omnium generalitati canonice patefacimus; vt hi
qui abiiciuntur, ab aliis non recipiantur: ne, quod non
optamus, simili cum eis poena iudicij teneantur astricti.
Data xvi. die mensis Aprilis, indictione xi.

EPISTOLA LXXVI.

IOANNIS PAPÆ VIII.

AD PETRVM COMITEM.

*Missa per Paulum & Eugenium episcopos mense Aprili, die xvi.
indictione xi.*

Hortatur vt Michaelem regem ad Romanæ ecclesiæ
gremium reuocet.

Petro comiti.

Matth. 16. **D**ILECTISSIMO filio nostro Michaeli Christianissimo
regi apostolatus nostri mittentes epistolam, dignum
duximus vt & tuæ quoque gloriæ scriberemus, & gemi-
tus nostri cordis aperiremus, quos assidue patimur, suspi-
rantes & stupore nimio admirantes, quomodo ipse sapien-
tissimus rex, & vos ipsi auerti potueritis, & a recta semita
declinare, atque a sede beati Petri apostolorum summire-
cedere; cui, sicut euangelium refert, non caro & sanguis,
id est humana sapientia, sed ipse per se Pater Filium pro-
prium reuelauit, cum alii hunc Ioannem, alii Eliam, alii
Ieremiam, aut vnum de prophetis existimarent. Scribi-
mus ergo tibi tamquam familiari & carissimo nobis; tu e-
nim in hac causa primus ipsi regi præcursor & dux aucto-
re Deo fuisti: tu inter illum & nos medius discurristi, &
Deo gratias, cuncta, quæ ad salutem gentis illius acta sunt,
non sine tuo certamine acta sunt, & quot & quantos labo-
res pro instructione vestri nos assumpserimus, ipse non ne-
scis. Et bene quidem in nobis deletabamini, & spirituali-
bus gaudiis, & profectibus fruebamini: sed nescimus quis
vos de cetero deceperit; quis organum factus diaboli, qui